

Til Heradsstyret i Osterøy kommune

Samarbeidsutvalet ved Valestrand barnehage

Høyringssvar/innspel til budsjettforslag 2021 med økonomiplan 2021

Når me ser på investeringsoversyn for 2021-2024 på side 19, finn me ikkje lenger ny Valestrand barnehage. Om dette tyder at prosjektet er foreslått kutta må andre svare på, men når me ser på saka truar me at det var vedteke kjøp av tomt på Rundhovde eller ny politisk handsaming. Investeringa verkar til å vere i det blå og me som føresette har teke opp saka i samarbeidsutvalet på dette grunnlag.

Ut frå korleis det ser ut i forslaget no, med utbygging av Hauge barnehage, fryktar me resultatet blir ei nedlegging av Valestrand barnehage. Utbygginga på Hauge meiner me må stoppast til ein veit behovet.

Kva veit me allereie om behovet? Det bur 150 førskuleborn på Valestrand (frå Kvammen til Småland og utanom Loftås)(kjelde: ssb.kart.no og SSB statistikk 04362). Dette tilsvarer 26% av alle born frå 0-5 år på Osterøy. Det verkar uforståeleg med kutt i tilbodet til desse borna i bygda som veks, når meir enn ein fjerdedel av førskuleborna i kommunen bur i dette området.

Andre relevante tal er Hamre 14, Bleikli 4, Raknes 6 og Hjellvik 34 (totalt 58). Hauge, som inkluderer heile Loftås og Vevle har 73 born.

Me ser at prognosane for folketal har endra seg radikalt siste år, mens planane for barnehageutbygging er påbegynt «langt tilbake i tid». Ein truar tidlegare at Osterøy ville passere 12 000 innbyggjarar i 2040 (prognose Hordaland fk 2016). I budsjettforslaget på side 8 og 9, viser derimot folketalsutviklinga på Osterøy ein forventa nedgang i alderen 0-17 år på heile 11 % dei neste 20 år. Me meiner at ein fot i bakken sett utifrå siste prognoser er naturleg.

Ein nedgang i folketal må motverkast med alle midler meiner me, og store utbyggingar på Valestrand vil stå sentralt i dette. Kvalitetane ved å bu på Valestrand har allereie lokka mange tilflyttarar til den flotte øya vår. Mange vaksne har flytta i leilegheit og husa vert fylt med familiar som treng barnehageplass.

I dagens Valestrand barnehage er det mange foreldre som leverer born utan bruk av bil. Ei flytting av barnehagen til Hauge vil bety overgang til bilbruk for nær sagt alle. Avstanden frå butikken på Valestrand til Hauge barnehage er 4,2 km med 85 høgdemeter stigning. Å gå til fots der i dag, er med livet som innsats, og tek ein knapp time. Å leggje opp til auka bilbruk i 2021 samsvarer dårleg med visjonar om berekraft og prosjekt «Alle vil bu på Osterøy».

Dagens barnehage har siste tid fått oppgraderingar. Tilsyn på helsevern frå juni 2020 påpeikar at ein leikekrok på småbarnsavdelinga, samt at garderoben på avdelinga for store born, ikkje har tilstrekkeleg dagslys til å verte medrekna i leikeareal. Før eller seinare må dette adresserast. Det er i to omgangar tidlegare utarbeida planar for utviding av eksisterande barnehage. Har ein sett på desse? Ved eventuell trong for meir tomteareal er tomtene rundt barnehagen også regulert til sentrumsføremål (deriblant offentleg tenesteyting).

I likskap med Hauge barnehage, som må gå 300m opp til grusbana og 50 meter til for å komme til lavvoen, har Valestrand barnehage etablert lavvo/grillhytte som ligg 400m opp forbi Reppen og til naturen og deretter 150m opp traktorvegen. Området fungerer bra til frileik i natur og er skjerma for vær og vind i stor grad.

Ber om at ovanfor nemnde punkter vert teke omsyn til ved avgjersler knytta til framtida for Valestrand barnehage.

Med helsing,

For Samarbeidsutvalet ved Valestrand barnehage

Leiar Håkon Hevrøy og nestleiar Hiwot Yengela Windt